

大明會典

大明會典卷之一百三十

兵部十三

鎮戍五

各鎮分例二

宣府

國初。遼虜漠北。即元上都。設開平衛守之。置八驛。東接大寧。西接獨石。邊境無事。後以大寧界虜。興和亦廢。開平孤立難守。宣德中。乃移衛于獨石。土木之變。獨石八城皆破。旋亦收復。雖地勢險狹。舊稱易守。然去京師不四百里。迫近

陵寢。寔肩背重地。近年以虜款。邊境稍寧。兵馬墩牆

始漸次整飭云

一城堡。嘉靖二十八年。令宣府東路起四海治。鎮南墩。西至永寧盡界。北路起滴水崖而北。而東。而南至龍門城盡界。為邊凡七百里。創修石牆。添設墩臺。○四十二年題准。四海治迤南渤海所迤北。建墩防守。○隆慶元年題准。宣大挑修邊濠。蓋造管房。砌獨石馬營二城。○二年題准。宣府北路龍門所自盤道墩起。迄靖胡堡大衙口止。建設外邊一道。益以墩臺。東北二路有徑道。五相應援。且拓地百里。以資屯牧。

見存城堡七十一

一兵馬。原額官軍一十五萬一千四百五十二員名。見額七萬九千三百五十八員名。原額馬五萬五千二百七十四匹。見額馬駝羸驢三萬三千一百四十七匹頭。

一八衛兵。本鎮官軍每年二千五百員名入衛防守。嘉靖三十年題准今後防秋之期。總督領標兵駐宣府東路不拘保安懷來總攝諸軍。巡撫領標兵車兵遊兵督同兵備副使駐岔道或隆慶以防南窺。

陵京。總兵官統領鎮兵。仍在鎮城。防東西有警。以便策應。奇兵駐順聖川東城。以防蔚州等處南下。紫荆之路。○三十四年題准。行宣大總督。如賊犯居庸紫荆。則宣大兵追躡於外。薊遼兵拒於內。賊犯古北口。則倚牆拒守。

一車營。嘉靖三十八年題准。令宣府置兵車。選老成廢將管領。○四十年題准。宣府製雙輪兵車。各將官將步兵訓練。各為一營。給火器。防守本路。

一貢市。嘉靖三十一年議准。龍門所。卑滴水崖。

僅七十里。俱虜衝捷徑。不許開市。○又題准龍門所永寧城撫賞夷人。每年六月十五日一次。十月二十日一次。仍宣諭大頭目。每年止二次大賞。此外不許零賊竊偷騷擾。能約束如命者。臨賞時。大頭目另加花段一疋。○隆慶五年。題准宣太。山西俱於五月進貢馬匹。其新平得勝張家口市期。俱依原期。定于六月畢事。

一撫夷。隆慶二年。題准宣大兩鎮。各邊城外。蓋造撫夷房屋。凡夷人傳報聲息。及求索賞賚者。令在彼安歇。惟許頭目進見。出境之時。官軍搜

檢。不許挾帶鐵器硝黃違禁等物。其館伴人等  
不許誘引生事。違者督撫官拏究。

大同

大同川原平行。尤當虜衝。

國初于鎮城外分東中西三路。北設大邊。二邊遠  
近聯絡。歲久多圯。不能捍虜騎。遂棄不守。二邊  
以內。殆為虜巢。大同勢益急。嘉靖中。雖再更兵  
變。而五堡竟成。備禦亦少固焉。今大虜款塞。貢  
市不絕。內備漸修飭。以直虜庭。故禁令特詳云  
一城堡六十四座。敵臺八十九座。墩臺七百八

十八座○嘉靖二十七年。令創修大同緊要邊  
牆。其原有牆該幫修者。每年借用防秋兵力。於  
行糧外。量給鹽菜犒賞。不必另議支費○三十  
二年議准。大同邊牆通賊衝口一百五十餘處。  
添造空心磚臺三百座○隆慶三年題准。大同  
原設大邊三邊三邊近來大邊盡廢。該鎮總督  
鎮巡嚴督各將守操等官。幫築沿邊墩臺上  
蓋墩房。多備火器鐵鍋。覓薪水。每墩撥精壯軍  
十名防守。每十墩設提督官一員。點查如有夾  
帶私貨。失誤傳報。依律問罪。私下墩臺者。監賸



官拏問枷號。逃回私家。四鄰不肯者。一體連坐。  
一兵馬。原額馬步官軍一十三萬五千七百七  
十八員名。見額八萬五千三百一十一員名。原  
額馬羸驢五萬一千六百五十四匹頭。見額三  
萬五千八百七十四頭。

一入衛兵。嘉靖三十年題准。大同兵馬四枝。每  
年輪派二枝入衛。○萬曆三年題准。留一枝。暫  
免入衛。

一防守。嘉靖四十年題准。大同關鎮各該衛所  
營堡官軍。不拘馬步。通行挑選二萬名。春夏無

空心敵臺三千七百一十一處

一兵馬原額官軍二萬五千二百八十七員名見額五萬五千二百九十五員名原額馬驢六千五百五十一匹頭見額二萬四千七百六十四匹頭

一防守嘉靖二十六年議准每遇防秋山西守本鎮偏老邊牆一百四里仍分守大同自丫角山至右衛雙溝墩一百四十里大同守本鎮雙溝墩至東陽河鎮口臺五百七里遇警互相應援丫角山至雙溝內外烽火墩臺仍俱大同官

軍守瞭原設大同西路叅將兵馬移守右衛以東地方待掣兵之時仍回戍守其山西寧鴈一帶不必調兵擺牆止量留額設兵馬防守○三十一年題准山西原選民兵三千名內以二千五百人赴平定州聽調留下五百名聽山西巡撫分市三關防守○又令偏光邊外老牛灣至丫角墩首餘里與虜僅隔一牆各召募土著壯勇一千五百名聽守備官管轄防守○萬曆三年題准水泉營外通板升建立市場三關此為要害將平陽潞州二衛原備禦大同今掣回班

軍內各撥五百名。分為兩班。平陽衛以九月起。  
潞州衛以三月起。見面交替。聽守備管領。同本  
營堡軍人。併力防守。

一車營。嘉靖三十八年題准。山西置兵車。選老  
成廢將管領。○四十年題准。山西製雙輪兵車。  
各將官將步兵給火器。防守本路。

一貢市。隆慶五年題准。水泉營市場。每年順義  
王昇各頭目。共進馬五百匹。餘同宣大

一撫夷。與宣大明

延綏

國初築東勝等城。戍守河外。正統間失東勝。退守黃河。後以虜入套內。又棄河守牆。鎮城舊在綏德。捐米脂魚河等地于外。幾三百里。成化中徙鎮榆林堡。東起黃甫川。西至定邊營。千二百餘里。聯墩勾堡橫截河套之口。遂稱雄鎮。但鎮城不產五穀。芻糧皆仰給腹裏。饋餉不足。而連年調遣入衛。兵力少弱矣。

一城堡。嘉靖二十二年題准。延綏遍鄰套虜。添定邊寧塞二堡。修築邊牆。○四十三年。令榆林西北。古梁易馬二城。增修城堡。○又令鎮城硬

地梁一帶小邊柳河梁各處地方添設城堡以  
嚴防護○隆慶元年題准延慶地方東有黃草  
塢小滴溜石人坪西有蘆關嶺龍安集靖邊龍  
尾戴化字倉寧塞吳旗營俱係通賊要路通行  
及時修築仍于蘆關嶺敷政巡檢司城內置蓋  
營房百餘間給軍防秋住守○又題准榆林鎮  
邊牆自石峽墩迤東至常樂地界一帶及鎮城  
東西北三面外邏城垣俱分投修築○三年題  
准修築延綏鎮沿邊東起黃甫川邊牆及鎮城  
迤西至常樂二十里通以五年為限○萬曆二

年題准。延綏墩臺一墩止軍十名不能固守。邊  
內險阻。可建墩院者。仍行增築。又於十里之間。  
酌量緩急。以爲寨城。○又題准。修建延綏一鎮  
三段邊牆六百七十一里。墩臺七十五座。墩院  
八座。寨城七座。石砌大川河口一處。土築大川  
河口四處。石砌河口水洞連臺一座。石券關門  
一座。石砌并土築溝口一十七處。磚石券砌大  
小水洞閘門八十三處。水口四十五處。水眼五  
十一處。水道四百二十五處。○三年題准。延綏  
榆林神木定邊靖邊四道築空心敵臺。見存城

垣六十二座。民寨堡城一百四十九座。寨城五十五座。空心敵臺二百三十九座。敵臺一百一十六座。墩臺一千三百一十六座。

一兵馬。原額官軍八萬一百九十六員名。見額五萬三千二百五十四員名。原額馬四萬五千九百四十匹。見額馬三萬二千一百三十三匹頭。

一入衛兵。嘉靖四十五年議准。延綏輪更入衛遊兵四枝。每枝止發二千七百名。其餘三百存留本鎮。仍准添募遊兵一枝。○萬曆十一年題。



准延綏標兵減撤一千八百名。永免入衛。○十三年題准。延鎮備禦陝西西安并潼關蒲州各衛所班軍。暫免遠戍。徵銀解遣。

一防守。嘉靖二十八年題准。延綏遊兵仍照原議。應援宣大。如宣大稍寧。延綏緊急。將老營堡及寧固莊浪各遊兵一枝聽候。延綏調遣。如延綏寧靜。宣大緊急。老營堡遊兵亦聽取回。○隆慶元年題准。延安衛舊有遊擊統領官軍三千。駐劄本處防秋。則赴大邊鎮靖堡。後改延安遊擊為鎮靖參將。遂將官軍二千移住鎮靖。一千

移住邠州。延安城池空虛。令鎮靖營將原調延安軍五百七十名。發回城操。而以新募軍接補鎮靖營缺數。

一貢市。嘉靖三十一年題准。吉能於延綏狼台吉於寧夏各互市。照依俺答把都兒事例。各給表裏金帶金頂大帽。其餘各給賞有差。○隆慶五年議准。套虜吉能款塞于延寧二鎮互市。其應貢馬匹查照應入京二十匹。宣大總督差官代進。應留邊一百八十匹。送發陝西總督徑自給軍騎征。應行事宜查照宣大規格施行。○萬

曆八年議准。市場定於紅山墩。

### 寧夏

國初置寧夏等五衛。西北據賀蘭山。東南帶黃河。內有漢唐二渠。險固饒沃。成化以前虜常犯河西。自虜入套。河東三百里皆設備。遞年修治塙塹。正德間有外邊。嘉靖以來增築內邊。而清水興武。花馬池。定邊各營尤稱要害云。

一城堡。成化十五年題准寧夏東路沿河一帶未築邊塙。一百九十餘里。與西路柴草等項疊砌舊塙六十餘里。俱係緊關地方。行鎮巡等官

查照軍三民士起夫修築○弘治三年題准寧夏中衛莊浪分界處所黑洞兒水頭接連架子山尾石峽口修築土牆山崖關牆水洞○嘉靖九年題准寧夏花馬池延綏定邊營相接地方挑挖壕塹防護鹽池已成六十餘里其花馬池西至橫城堡共計一百六十六里通行挑挖東南自定邊營大山口起西北至寧夏黃河止中間平漫之地皆挖溝築壘使虜不得長驅定邊營一帶每里築一墩花馬池一帶量地遠近立墩每墩蓋鋪房一座以為守軍棲止○十九年

題准鎮遠關與黑山營俱險要地方。打磴口在鎮遠關內係通賊要路。修築完備。以防山後之賊。又以臨山堡沙土草茅不生。人難防守。改築墩臺撥軍守哨。○二十三年題准寧夏沿邊自花馬池及安定諸堡至橫城止。長亘二百餘里。添築敵臺二百六十三座。○萬曆二年題准修築寧夏鎮城及平虜城迤北長城邊牆二千餘丈。于中衛舊勝金關築關蓋房。附近夷廠牆裏建堡築墩。屯兵集貨以防他虞。就設公館為監市各官棲止之所。見存營堡城九十四座。關城

六座。敵臺三十五座。墩臺五百三十四座。關隘三十三座。

一兵馬。原額馬步官軍七萬一千六百九十三員名。見額二萬七千九百三十四員名。原額馬二萬二千一百八十二匹。見額一萬四千六百五十七匹。

一入衛兵。嘉靖三十九年題准寧夏二枝兵馬輪班入衛薊鎮。比固原三枝輪番者勞佚不均。照固原例再選一枝。輪流入衛。又題准寧夏原額兵馬不多。應將原調應援莊浪奇兵盡數

掣回該鎮休息。不敷之數。仍於各營兵馬內。揀足三千。與原選遊兵二枝。分作三班。輪流入衛。以均勞逸。如甘肅聲息重。太軍門另議別兵調遣。以後鄰鎮有警。不許輒調。○萬曆八年題准。薊鎮募土兵三千。寧夏一枝。自九年起。永免入衛。

一防守。嘉靖十二年題准。將原調寧夏小鹽池營邊操官軍一千七百一十八員名。免其納銀。照舊輪班督發赴邊。分撥橫城、紅山、毛卜剌三堡。操備防守。隨堡田地。聽其開墾。

一貢市。隆慶五年題准。于清水管中衛。萬曆十年題准。于平虜所添市。三市場。每年進馬一百匹。與延綏鎮同時互市。

### 固原

固原在寧夏之南。成化以前套虜未熾。獨靖虜一面備胡。平固安會之。驛號為無事。自弘治中火篩入掠。後遂當虜衝。始即州治為鎮。城以固靖甘蘭四衛隸之。設總督總兵叅遊等官。東顧榆林。西顧甘肅。與寧夏為唇齒。稱巨鎮云。一城堡八百八十五座。戰敵等臺八百二十座。



護城堡墩敵角臺四千一十座

一兵馬原額官軍一十二萬六千九百一十九員名。見額九萬四百一十二員名。原額馬羸牛三萬二千二百五十匹頭隻。見額三萬三千八百四十二匹頭隻

一防守。嘉靖十九年題准。防秋之日。總督駐花馬池。陝西巡撫與總兵官同駐固原。一遇有警。總兵仍赴下馬房關截殺。

甘肅

甘肅即漢河西四郡地。

國初下河西棄燉煌。盡嘉峪關為界。由莊浪迤南三百餘里為湟中地。今置西寧衛。由涼州迤北二百餘里為姑城地。今置鎮番衛。又設甘州等五衛于張掖。肅州衛于酒泉。蘭州衛于金城。皆屯兵拒守。全鎮之地幾二千里。惟一線通道。西遮西域。南救羌戎。北扞胡虜。稱孤懸重鎮云。自虜款以來。常假道掠番人。攻瓦剌。穿塞出入。防禦稱難矣。

一城堡嘉靖四十一年題准西南寺與衛邊南山添築墩臺。紅城子關設水門。平川北改築邊

牆○四十五年題准古浪山後築堡一座募軍  
防禦○隆慶元年題准平山丹等處一帶臨邊  
地方修築墩臺見存城垣堡寨四百九十五座  
關隘一百四處

一兵馬原額官軍九萬一千五百七十一員名  
見額四萬六千九百一員名原額馬二萬九千  
三百一十八匹見額馬廐二萬一千六百六十  
匹頭

一土軍萬曆四年題准莊浪食糧土軍七百人  
族額多至二萬協守土官不能鈐束今五旗地

方各添設防守土官一員。聽督撫官於土官內  
選委聽談道填註賢否。與漢官一體考察。其十  
旗仍各設社學。俾莊浪儒學生員教訓土人子  
弟。

一募兵。嘉靖二年題准陝西甘涼召募土兵。每  
名給銀五兩。係冊內查出抽選者。每名給三兩  
五錢。仍免空間餘丁一名幫貼。其見仕官員。百  
戶招一百名。陞副千戶。副千戶一百名。陞正千  
戶。正千戶二百五十名。陞指揮僉事。指揮僉事  
二百名。陞指揮同知。指揮同知二百名。陞指揮

使。俱月加俸米一石。若都指揮僉事招二百五十名。陞都指揮同知。都指揮同知招二百五十名。陞都指揮使而止。若為事立功。及革職閒住官員。能募百名。悉與復職。就令所招之人管領。聽調殺賊。仍即給軍器馬匹。有功之日。照例併功陞職。

一防守。嘉靖四十五年。題准將涼莊遊兵營莊浪衛上班官軍一百三員名存留莊浪。聽叅將統領。將甘肅遊兵營西寧衛兩班官軍內各遇該班之年。摘撥一百三員名赴涼莊遊兵營西

寧衛該班官軍摘撥一百名亦撥莊浪參將統領仍召募精壯軍士二百名以補原額○萬曆二年令涼莊遊擊統領西寧上班兵馬赴石灰溝屯住兼管西南二川通海路口本城參將兵馬量勢分撥委官一員駐沙塘川兼管北川紅崖子哈刺只溝防虜深入○三年題准如遇莊浪西寧有警河州將官由弘化寺應援蘭州將官過金城入靖虜住蘭州策應凡河東堡寨之在河西者甘鎮亦即一體發兵堵截

一貢市萬曆三年題准西海丙兔在肅州之南

去寧夏中衛太遠。今於甘鎮邊外。宜立夷廠。選委監官省令。丙免同臭克銀定。着力免大成。隨帶部落。每年赴彼互市一次。松山賓免一枝。亦許歲在莊浪。小市一次。務與延寧同時。三市並開。以杜影射。○四年題准。與賓免易馬。止許用段絹布疋。不許市茶。○十二年題准。炒哭兒台吉克太阿。不害并喇以三枝互市。在寧鎮為難。甘鎮為便。以後准於甘肅扁都口開市。一切宴賞如例處給。

一撫夷。隆慶五年題准。甘肅番夷盡遷境外。禪

家等處空堡安插。分立界石。籍名約束。在肅州  
聽兵備道撫治。在甘州責令行都司局捕都司  
兼理



大明會典卷之一百三十

大明會典卷之一百三十一

兵部十四

鎮守

各鎮分例三

四川

四川松潘威茂。介在番虜。建昌等衛控制西南夷。俱稱邊徼。近年平都蠻。置建武所。設總兵坐鎮。諸路官兵皆屬焉。

一城堡。正統九年題准。設松潘南先結溝等處平夷靖夷三堡。各撥官軍二百五十人守之。鎮守都指揮二員。輪月提督巡視。○萬曆二年題

准改都蠻九絲城為平蠻城。凌霄城為拱極城。  
印靶山為文印山。弔猴山為降蠻山。雞冠嶺為  
金雞嶺。內官寨為武寧山。都都寨為都定寨。其  
戈縣改名興文縣。

一兵馬。原額官軍一萬四千八百二十二員名。  
見額一萬八百九十七員名。馬軍一千四百八  
十九員名。步軍九千四百零八員名。

一防守。嘉靖二十年題准。設臆臘守備一員。提  
督穀粟等九堡禦寇事。十九墩戍兵千人。仍建  
倉貯糧二千石餉之。有新獲功。如陝西三邊例。

陞賞○隆慶二年題准。珙縣青岡芭蕉等隘。都蠻出沒。劫掠地方。其歇馬壩實諸蠻往來之衝。建築城堡。令永寧叅將移駐于此。以控諸夷。○萬曆二年題准。將文印山等十二處各設堡一所。每所用兵五百名。平蠻山頂設墩四所。脚板崖等十九處各設墩一所。每處用兵五十名。深溝子等五處每處用兵一百名。分投屯守。○五年議准。將鎮守四川總兵衙門。定為額設都司。衛所宣慰宣撫土知府招討等司。與副叅遊守等官俱聽節制。○又題准。鎮城既建。將瀘州衛

分左右中前四所官軍割併守禦千戶一所名為建武所。仍將敘南衛原守監官軍有屯田附近九緣者一體改附新所差操。

### 雲南

雲南民夷雜居。

國初內置府。外設宣慰等司。為藩蔽。正統間。麓川用兵。嘉靖中。元江武定亂。皆久而後定。近年緬甸內侵。永昌騰衝尤稱要害云。

一城堡。隆慶元年題准增修。高明。晉寧。安寧。三州城。五年修葺。設江廣西二府土城。

一兵馬原額漢土官軍六萬三千九百二十三員名。見在六萬二千五百九十三員名。

一防守嘉靖十六年題准省城并附近衛所操軍揀選精壯者二千名。分為二路。每路一千名。令總兵委官訓練。於原擬地方往來巡邏。如遇寇賊。礦徒竊發。即時撲滅。若征剿叛逆。照依邊功陞賞。口糧馬草照常給發。器械每年量給官錢修整。守巡兵備時加閱視。○四十四年題准武定府建守禦千戶所。將雲南右後二衛後千戶所馬步官軍各撥二百名。右衛中左所土軍。

撥一百名并募新軍三百名。選指揮千百戶管領前去防禦。○隆慶元年議准將省城六衛軍士餘丁每衛揀選三五百名。別衛所每三名選一名。就抵食糧之數。行令兵備道督同守備官選官訓練。遇警調發。不許多調土兵。仍聽巡按御史出巡較閱。年終分別舉劾。○三年題准將和曲州并和曲驛改附府城之內。其舊州治存留在彼。改為巡捕館。另僉民壯。跟隨本州吏目在彼住劄。盤詰盜賊。

貴州

國初置貴州宣慰使司隸于四川以通滇南之道永樂間討平田苗始設專藩山苗峭密蠻夷多聚嘉靖間銅鎮苗攻破思州石阡郡城官軍夾剿久之方定其後防禦益備焉

一城堡隆慶二年適准將程番府改入貴州省城名貴陽府其湖廣沅靖平溪等州衛四川酉陽播州永寧三土司照舊專屬川湖統轄仍聽貴州節制調遣

一兵馬見額官軍民兵二萬八千三百五十五員名馬軍二千三百八十二名步軍二萬二千



三十六名

一防守。嘉靖十一年奏准金爐山第二層設立哨堡。將清平衛中左所屯種千百戶三員正軍餘丁共一百五十名摘撥住守。○四十一年題准貴州施秉一縣切鄰四川容山土司。將偏橋衛哨軍一百九十名改撥本縣。與同原設哨軍二百五十名相兼防守。清浪守備移駐本縣。就令統領前軍米時訓練。仍聽清浪叅將節制。○隆慶二年議准。行貴州撫按。將程番等十三司先年額僉應補土兵三百七十名查復原額。揀

其精壯給與器械。定為班次。選委官舍統領。約東常川在廬山金石等司巡緝。聽新設通判提調。○又題准程番府至廬山司七十里。烏蘿至廬山二十五里。四通賊路。行貴州巡撫著落土司。仍于交馬復設舊哨。召募民兵分列住守。

### 廣西

國初因廣西兩江土官納款。予世襲以羈縻之。其境內谿峒徭獠蠻諸種。以千數。每出沒流毒。景泰以前常用鵬剿。其後與廣東寇合。始設兩廣總督治梧州。成化嘉靖間再剿藤峽及八寨。

隆慶間平古田。每大征後。建治立屯。寇少寧息。然遺種蔓延。旋復猖獗。調兵分戍。未嘗解散云。一城堡。隆慶四年題准。將古田桐木。富祿。常安三鎮。改為土巡檢司。每鎮留大鎮土官弟男一人。選帶目兵住守其地。古田縣改為永寧州。仍立守禦千戶所。請給印信。改撥桂林中衛千戶一員。百戶二員。統軍哨守。○萬曆八年議准。八寨既平。以周安古卯為一鎮。思吉古鉢羅墨為一鎮。都者古蓬剝為一鎮。即推擇土人頭目各充土巡檢。移家世守。其上林縣循業里。撫安里。

古城里。切近賊區。為八寨門戶。今改為龍哈布。咳寨。將該路寨。將移駐三里地方控制。增築龍哈布。咳二堡。又南丹衛八所。并移於三里。

一兵馬。原額官軍一十二萬一千二百八十九員名。見在操募二萬五千八百五十四名。見額官軍一萬三千九十七員名。馬軍八百二十五員名。步軍一萬二千二百七十五名。

一防守。弘治十六年題准。湖廣備禦廣西班軍。俱以一年為期。至廣西交代。若違限半年以上者。問罪。仍罰操三箇月。○嘉靖四年題准。湖廣

夷陵枝江二所班軍。備禦廣西省城。茶陵衛所。  
轄郴州千戶所班軍。備禦武宣縣。桂陽千戶所。  
班軍。備禦柳城縣。寧遠衛同所轄杞。桃川。寧。  
遠三千戶所班軍。備禦柳州府。各照舊輪戍。○  
隆慶五年題准。將廣東衛所原撥官軍四千六。  
百餘員名。照舊輪班戍守梧州。○又議准。牛河。  
三厄。二處委指揮一員。於叅將部內。選兵五百。  
名。并將桂林中右等衛官哨旗軍。調撥該所守。  
禦。○又題准。廣西思吉等八寨。并龍哈。哱咳二。  
處各夷。俱聽招撫。議將那馬土巡檢。充長官司。

長官掌管其地。一充冠帶土舍住守龍哈。一仍  
巡檢住守哱咳。各官俱聽思田守備調度。○六  
年議准將融縣千戶所旗軍五十名并抽取融  
縣在城民兵七十名調撥懷遠縣地方防守。○  
萬曆一十一年題准鎮安府湖潤寨共一年。思恩各  
土司。一年。田州。一年。江州并上映下雷二洞共  
一年。每年共出兵三千名。四年一次輪戍省城。  
泗城州。一年。歸順都康二州共一年。向武奉議  
二州并上林縣共一年。思明府思明州遷隆峒  
共一年。龍英忠州共一年。每年出兵四千名。五

年一次輪戍梧鎮○四年議准東蘭南丹那地  
三州每州出兵五百名專戍柳州每年於九月  
初旬上班二月放回各州敢有遷延不服調遣  
及兵不足數者俱聽叅究○五年題准七山為  
蒼藤岑要地連城為羅定信宜岑谿諸徭嘯聚  
之藪六雲為容縣北流中衝北科為六十三山  
咽喉懷集縣與賀縣為界五里村山徭賊由此  
出沒設指揮千戶五員於各地方分兵劄管屯  
守○十三年題准府江各賊雖經大俘未設戍  
守復據舊巢為患今自三峒峯門大寨冲起磨

桐江桐亮沖經仙迴馬尾歸化佛槽等處設兵  
立營於八路大澗面沖大窠截其西岸通修荔  
二縣後戶。桐江大亮田沖各立一營據其堂與  
又於木浪馬尾平峒三妹要衝各立一營守其  
腹心。歸化佛槽洛口肆沖各立一營截其西岸  
通仙迴昭平前門築立營堡列以土司募兵屯  
種操防

### 湖廣

湖廣幅員最大如鄖襄跨河峽德黃接安慶荆  
控巴蜀辰敘雲貴郴桂通廣東皆多盜之區永



州。實慶苗夷密邇。故數郡兵防加慎焉。成化間。以環鄖山谷多流民。大盜屢發。始專設鄖陽撫臣。兼制三省。

一城堡。嘉靖二十六年題准。保康縣望夫山。原係截山小路。川陝相通。盜賊不時出沒。築堡一所。撥軍戍守。○三十四年題准。五寨長官司。係湖廣接壤。麻陽乾州適中之地。東有蜜峯。西有牛拘脚。為諸苗出入咽喉。令麻陽參將移入駐劄。仍於蜜峯牛拘脚二處各立哨堡防守。○隆慶四年題准。郴州宜章縣香口嶺僻居邊陲。接

壤兩廣。猺苗雜處。不時侵犯。建城垣一座。添設衙門。每年衡永二府輪委同知一員。統領民兵。在彼駐鎮。防禦盜賊。督收錢糧。如或同知員缺。即委通判推官代理。○萬曆元年題准。襄陽府光化縣治逼臨漢江。城垣半坍。移建於去縣三里之北集街。○四年題准。瀏陽縣之大圍山。平江縣之連雲山。俱豁徑索迴。密通盧源。諸峒盜賊。往往遁逃其中。梅子園逼近大圍山。金鋪觀及連雲賊必經之地。將瞿家寨巡檢司移駐梅子園。添設一堡于大圍山附近所在。用把總一

員備禦。添設一小堡于金鋪觀。撥岳州衛指揮一員哨守。悉聽本總節制。

一兵馬。見額官軍六萬八千八百二十九員名。一防守。成化二年題准。荆襄在萬山中。流民逃軍在彼躲住。安遠縣尤為窩遠。將革去荊州護衛官軍內。查屯田近安遠者。摘撥一千戶所。發去該縣與民相兼修築城池。設立千戶所衙門。守禦地方。如不敷。就於別所轉撥。遇賊生發。隨即撲捕。○弘治二年題准。梧州原分寶慶等七衛。柳州原分九谿等三衛所。各官軍通行掣出。

內撥實慶寧遠永州三衛官軍赴柳州城操守。  
又撥九谿永定常德三衛官軍。先出全州灌陽  
富川懷賀恭城及桂林興安等處土著官軍赴  
梧州操守。其餘長沙衡州岳州夷陵四衛所官  
軍俱留廣西城操。輪流巡哨府江一帶地方。再  
不許分撥重瘴地方。若曾遣出征巡哨者不在  
此限。○十二年題准。水道等處與郴桂地方哨  
守官軍數少。將荊黃枝江等衛所與武昌襄陽  
二護衛官軍。摘撥輪戍。仍設郴桂守備一員在  
宜章居住。聽鎮巡節制。其兵備仍在郴桂酌中

地方駐劄。以便往來調度。○嘉靖十七年。議准。竹谿縣鄧家壩地方。界連三省。山林深密。將洪坪堡官軍。掣改防守。其洪坪堡鄉兵。照舊把截。○四十五年。題准。支羅新舊二寨。改為守禦百戶所官軍。就於施州衛三千戶所。摘撥屯種。以便彈壓。其本衛原撥輪戍靖州官軍。盡數撤回防守。○隆慶二年。題准。施州衛孤懸萬山之中。與川湖交接。番漢雜處。將靖州榔柱臨武等處原戍官軍。撤回一半。以濟荆襄。存留一半。以防苗夷。○三年。議准。豐塘忠州夷陵長寧四衛所。

原戍清靖二哨與瞿塘衛原戍榔桂班軍照數  
撤回各該衛所操練防守。荆襄等衛枝江等所  
班軍。夔衡州衛原調武岡與廣西官軍俱照舊  
存留。常德衛原戍道州官軍亦准撤回。其清靖  
榔桂道州等哨所缺之兵聽該衛多方查補。如  
果不敷將所省行糧召募土兵分布防守。○萬  
曆四年議准將荆右二衛原戍靖州班軍三百  
五十名退回荊州守衛遺下二衛實在減班并  
逃故軍數各該行糧扣貯倉庫募增民兵防守。  
其襄陽枝江所戍清浪臨武二哨照舊存留仍

通行鄖陽川貴南贛各巡撫。一體查照施行。○  
五年題准。德安府孝感縣新店地方。東接黃陂。  
西抵隨應。北聯信羅桐柏等處。兩省交錯。綿亘  
千里。率為盜區。設把總一員。專駐統領原議兵  
壯巡緝盜賊。隨州孝感應山安陸黃陂漢川等  
處。各巡司哨堡。及德安隨州二所官軍。俱屬管  
轄。遇警聽調。

廣東

廣東內連五嶺。外濱大海。潮惠通甌閩。高廉徇  
交桂。雷瓊逼黎蠻。廣州之龍門增城諸邑。皆為

盜賊。嘉靖間。自海島入犯者為倭賊。出沒海洋者為海賊。據村峒者為徭賊。嘯聚山谷者為山賊。流劫無定者為浪賊。漁戶竊珠池者為蛋賊。縱橫殺掠。地方騷然。自羅旁大征之後。備禦益詳密矣。

一城堡。嘉靖四十五年。題准廣東扼塞要害。在東洋有柘林碣石。南頭。在西洋有白沙港。烏兔。白鵠門。六處皆立寨。增兵。增船。統以將官。無事則會哨巡緝。有警則互相策應。務以擊賊外洋。為上功。近港次之。如信地不守。見賊不擊。俱坐。



罪重治○隆慶四年題准馬耳澳乃潮郡外戶設水寨一所與柘林相犄角碣石與馬耳會哨於甲子馬耳與柘林會哨於南澳保障潮陽澄海揭陽海陽地方○萬曆五年題准羅旁東西兩山週遭千五百里田地饒沃且有藤蠟諸利將瀧水縣改為羅定州徑隸廣東布政司黃姜崗大崗二處各築營城一座各屯兵一千選委指揮充為把總駐劄許其便宜撫剿各崗地方通屬管轄其南鄉富霧封門函口四處各立一所即地立名請給印信各築所城一座以備防

守

一兵馬額設旗軍。見在二萬九千九百四十七名。召募官兵三萬五千二百六十八員名。

一兵船。隆慶二年題准。廣東六處水寨額數船隻通行查理。缺者處補。壞者修治。一切刷磨商船盡行放免。每歲終海道副使點驗。係風浪損壞者。動支官錢修飭。係兵將損壞者。責令各役賠償。○四年。令東莞新會兩縣勸諭大戶。仍造烏艚巨艦。聽募本地壯兵。分作四班。于南頭馬耳柘林等處防禦。

一防守。隆慶二年題准。廣州等一十七衛所舊撥官軍一萬餘員名。前赴督府及總兵哨捕。近除撤回一千一百九十員名外。將未撤八千九百餘名內。摘留附近梧州二千名。赴督府輪班哨捕。其餘悉發回廣州等衛所守城。○四年。令縣官召募精健鄉夫一千二百名。分為四管。內立管長。量給白糟八槳船隻。分撥柘林。馬耳。防守。管長効有勳勞。一年以上量給冠帶。○萬曆五年議准。富霖千戶所添設參將。撥兵三千名。內分一校戍守南鄉。函口千戶所添設參將。撥

兵三千名。內分一校戍守封門。陽電海防參將  
無陸路。陽江恩平等處。

南直隸

國初定鼎金陵。倚長江為天險。然江洋巨盜時有  
出沒。始設操江巡江等官。其沿海州縣。洪武間  
時有倭警。常遣兵戍守。至嘉靖中。倭寇猖獗。于  
是增將增兵。畿甸之間。若備邊矣。

一兵馬。江南北所屬額設官軍。一十萬二千一  
百六十七員名。召募軍兵七千一百四十九名。  
○嘉靖三十八年。題准蘇松常鎮四府所屬州

縣二百里以上者編主兵三百名。二百里以下者二百名。每名給銀十二兩。或均徭編派。或各里朋出。送海道兵備管束團練。○又令添設遊兵一千五百名。令南京都督統領。駕沙快船往來浙西松江京口。護衛糧船。○隆慶二年題准中軍都司把總部下。留兵七百二十五名。并常鎮二府健勇三百一十二名。常川操演以備緩急。三江會口把總部下。留兵四百名。圖山把總。留兵三百名。儀真守備。留兵二百名。安慶守備。留兵一百二十名。見存主客軍兵不分汛期汛。

畢日給銀三分。即將江南江北十八府州軍餉銀兩并應天巡撫協濟丁田銀兩應天廬淮等府州縣健勇鄉兵等項銀兩通咨應天鳳陽各該巡撫衙門俱免編派。每歲所需通共徵銀二萬七千六百五十七兩六錢。永為定額。○四年題准蘇松常三府有水哨陸哨客兵家兵併土著等項七千七百五十四名。照舊容留分布防禦。又陸續調撥各處軍餘民壯以補革退軍數。總計水陸食糧官兵共一萬五百六十五員名。又汛時年例各該兵船添募貼駕各沙土兵八

千二十一名。亦照舊存留分布。○萬曆元年題准。圖山三江二總。控禦海口。復原額各總八百之數。前項軍餘俱掣赴鎮江操演。與京軍更番防禦。瓜洲驍勇脚兵。精選四百名。一併操備一防守。嘉靖二十年議准。揚州。淮安。九江。安慶。等衛所軍餘。照新江口事例。分為春秋二班。每班一千名。於鎮江操守。春班二月初一日上。七月終下。秋班八月初一日上。正月終下。○二十九年。定沿江信地。責令將領防守。南湖。戴守備。南岸。自城子鎮至馬當。北岸。自龍坪至小孤山。

二百六十餘里。領原設兵船。而以九江一衛屬之。安慶守備南岸自香口至池口。北岸自小孤山至六百丈。二百九十里。領水兵五百名。而以安慶一衛屬之。新復荻港把總。南岸自池口至大信。北岸自六百丈至西梁山。三百二十里。領水兵六百名。而以建陽一衛屬之。遊兵把總。南岸自大信至高資。北岸自西梁山至黃天蕩。三百三十里。領水兵一千二百餘名。而以遊巡軍兵相兼分布。圖山把總。自高資至安港。一百五十里。領水兵民壯八百名。而以鎮江一衛屬之。



儀真守備。自黃天蕩至新港。一百四十里。領水兵三百名。而以儀真一衛屬之。瓜洲鎮巡江衛。總操江水兵亦屬焉。仍與揚州府江防同知。協同防守。本鎮民事則同知理之。守備不與。三江會口把總。自新港至廟港。一百五十里。領水兵八百名。南湖戴守備。駐劄湖口。安慶守備。駐劄雷港。荻港把總。駐劄荻港。遊兵把總。駐劄上新河。儀真守備。駐劄儀真江口。圖山三江會口把總。各駐劄本處。不許仍前住居城市。○又題准備倭所轄地方。自應天龍潭起至鎮江蘇州太

倉鎮海金山等衛嘉興松江吳淞江崇明南匯  
青村止千有餘里枕臨大海給關防以便調度  
○三十六年議准將瀋陽右衛官軍照舊隸屬  
南京兵部如遇江北地方有警許鳳陽撫按官  
督調防禦○四十四年題准江南江北各有信  
地三沙止當會哨難以會剿諸家一沙沙南沙  
北照舊分防崇明一帶或春或秋照舊會哨如  
果賊勢重大逼近留都江南江北巡撫并操江  
都御史交相應援其餘小警不必會剿各守信  
地永為遵守○隆慶四年題准徐州參將將兵

分為三營。徐州一營。宿州一營。歸德一營。每營選中軍官一員。常川操練。其參將遇糧運盛行。駐於徐州。以保運道。河水已合。則駐宿州。以防陸路。春間青黃不接。則駐歸德。以防竊發。○萬曆三年。題淮南直隸。自吳淞以至金山。其中寶山。川沙。南匯。青村。柘林。皆臨大海。倭寇隨處可登。青南二所尤當其衝。清查各衛所軍舍。選一千名。委指揮二員分領。於青南二處。與川柘二總分作四枝。汛時聽參將操練於南匯。其各軍行月二糧亦量加厚。遇警對敵。許照北邊事例。

但以血戰為功。不以損軍為罪。○又令蕪湖縣築城。以便防守。徽寧兵備道照蘇松淮揚兵備例。增設兵額。應天治中。移駐新江口。太平同知移駐蕪湖。和州同知移駐泥汊。境內州縣巡司官兵盡屬統率查點。○又令每年防汛畢。目准照防邊事例。將各鎮將官及海防同知。沿海州縣正官分別舉劾。○四年題准。寶山界於川沙吳淞之間。為全吳南北中路。地形突出。海島倭船必經。要害當守。改築城堡。而以協守所官軍守之。每年汛期。副總兵統兵移駐。

浙江

浙江瀕海故多倭患嘉靖間荼毒東南久而後定。自是增兵置將各據要地以定海為倭船所從入特宿重兵省城營兵分番防汛海防之重自此始。

一兵馬原額兵壯一十三萬一百八十八員名。見在七萬八千六十二員名。○隆慶四年題准浙江通省額設民壯一萬六千二百九十名。除留四千二百二十一名看守各府州縣城池庫獄外。其一萬二千六十九名。自隆慶四年為始。

徵收工食。挑選精壯之人。每名日給銀三分。設立隊伍。整撈器械。在杭湖嚴紹寧台溫七府。每府分派一總。在嘉善衢處四府。每府分派二總。聽各該總叅都司把總官與軍兵合管操練。一防守。隆慶三年題准。浙江總兵駐定海。叅將改駐舟山。遇汛。則寧紹叅將坐駕兵船直出沈家門外海洋。嘉台溫各叅將俱出本區海面外洋。據險結營。彼此會哨。總兵居中調度。左顧杭嘉。右顧台溫。改寧波陸兵為總兵標兵。各區叅將把總俱聽節制。水陸軍兵俱聽調度。每遇汛

期巡海兵備官親詣邊海巡視

江西

江西當吳楚之交。鄱陽之寇出沒不常。贛州諸山尤為盜藪。往往藉外兵。成化間藉福建嘉靖間藉浙江。今廣東福建湖廣各以其卒戍守。而萬曆初。令各道團練鄉兵。武備稍飭焉。

一兵馬。原額正軍三萬九千八百九十三名。見在旗軍餘丁二萬八百四十八名。南贛所轄江西官軍九千一百四十八員名。福建官軍八千一百七十一員名。廣東官軍六百二十九員名。

湖廣官軍一千九百二十八員名○萬曆二年  
議准行各道督同府縣掌印官建立操所將各  
縣鄉兵每於農隙之際冬季自十月初一日起  
至十一月終止春季自正月初十日起至二月  
終止嚴加團練每季終聽各掌印調集操演  
一防守成化二十三年題准贛州接連閩廣三  
省將福建上杭武平二所汀州衛前所并江西  
瑞金南安二所官軍連附近各府民壯屯聚會  
昌常川操練如遇盜賊出沒併力剿捕○嘉靖  
十八年題准廣信鉛山守禦千戶所人馬及永



豐縣民兵分隸饒州兵備道。聽其兼制。時加撫  
演。以禦礦賊。○二十三年題准。贛州府安遠縣  
有大帽山。環繞三百餘里。號為盜區。於本地修  
築城堡。遷民居其中。調移安遠官兵駐劄。添設  
巡檢。帶領弓兵相兼防守。○四十年題准。江西  
永豐上饒二縣平洋銅塘地方。當閩浙交界。礦  
賊盤據。將福建浦城浙江常山江山三縣并所  
屬盆亭縣源高泉若仙霞小竿諸巡檢司悉聽  
江西分守湖東道管轄。如遇盜賊生發。督兵擒  
捕。仍移文建嚴金衢溫處兵備守巡各道發兵

援剿

福建

福建濱海其民資番舶之利遂引倭寇入掠故通番下海之禁最嚴然莫能止汀漳山谷與贛相連又多盜防剿每藉客兵嘉靖間始置大帥練民壯減客兵云

一兵馬原額兵一十二萬五千三百八十一員名見在三萬八千四百七十五員名

一防守嘉靖四十二年議准行各該兵備并府州縣官通將閩省民壯巡司弓兵的童存留一

半。以為護守巡緝之用。其餘精壯正丁解赴省城合營訓練。以次漸減客兵。

山東

山東故無他警。惟官軍分兩班輪赴京操。後沂州有礦盜。登州有島賊。乃編募民兵壯快義勇。嘉靖間選其精銳分二營於濟德。後以三千防薊鎮。近年復免上邊徵銀濟餉云。

一兵馬額設官軍四萬三千六百三十一名。直隸沂莒二衛改屬班軍二千二百一十七名。一班軍嘉靖三十四年題准山東京操班軍糧

餉缺乏。將各軍及族屬同伍應輸屯種子粒抵充行糧。仍要扣算明白。不許影射。○萬曆二年題准。將山東河南二省班軍。即以本衛本所歸併合一。或春或秋定為一班。以地理相鄰管轄近便者。但足三千。即屬一都司統領。有餘不足於就近衛所。隨宜增損。上班赴薊防守。下班本省操練緝捕盜賊。與地方官一體行事。

一防守。嘉靖三十二年議准。將山東民壯快馬步精選六千。分為二營。一營屯駐德州。委參將統領聽候調遣。一營在省城。選委僉書都司統

率訓練。如德州一營。承調壯去。即將省城一營移駐德州。以備赴援。○四十二年議准。將曹濮沂州二道壯快。分為四枝。二枝為前營。撥與原管把總統領。二枝為後營。常川在各道操練。緝捕盜賊。○又議准。山東民兵自四十三年正月為始。務選足三千之數。推叅將一員訓練。每七月初旬。赴薊鎮防禦。

### 河南

河南中原都會。舊惟班軍赴京營操。上邊備禦。其民兵聽調。自嘉靖間始。

一兵馬原額食糧正軍三萬一千一百七十七名。軍舍操餘二萬二十名。

一防守。嘉靖三十二年題准。八府原編民兵五千名。臨時分屬各兵備操練。每年六月終旬調集磁州。令清軍副使同定委將領統率聽候調遣。○隆慶三年題准。各道督所屬掌印管操等官。將軍丁民壯義勇選補丁壯。分為兩班。四季赴道操演。頭班正二三月。二班四五月。週而復始。其義勇民壯編入守城隊伍一體操備。○萬曆二年議准。睢陳河南汝南三道將額編民

壯酌留守城。分番赴道團操。與大梁河北二道  
一體施行。候一年之後。團練已成。仍發回守城。  
將守城之兵。取赴團練。